

বাংলাদেশ পল্লী উন্নয়ন বোর্ড
সরেজমিন বিভাগ, ঋণ শাখা
৫ কাওরান বাজার, ঢাকা-১২১৫
www.brdb.gov.bd

স্মারক নং: ৪৭.৬২.০০০০.৫০২.০৫.২২৪.২০. ২০৭৫

তারিখ: ২৮ জানুয়ারি ২০২৫

বিষয়: বিআরডিবি'র সুফলভোগীদের জন্য ১০ টাকার ব্যাংক হিসাব খোলার সুবিধা প্রদানের নির্দেশনা জারি প্রসঙ্গে।

বাংলাদেশ পল্লী উন্নয়ন বোর্ড (বিআরডিবি) সমাজের হতদরিদ্র, পিছিয়ে পড়া ও প্রান্তিক জনগোষ্ঠীকে সংগঠিত করে তাদের জন্য দক্ষতা বৃদ্ধিমূলক প্রশিক্ষণ আয়োজন এবং ক্ষুদ্রঋণ সহায়তার মাধ্যমে দারিদ্র্য বিমোচনে নিরলস ভূমিকা পালন করে চলেছে। বিআরডিবি'র এ সকল সুফলভোগীর জন্য ঋণ বিতরণের ক্ষেত্রে একটি সমিতি/দলের সকল সদস্যকে উপজেলা দপ্তরে নিয়ে এসে একই দিনে ঋণের অর্থ নগদে প্রদান করা হয়। এজন্য ব্যাংক থেকে ঋণের টাকা উত্তোলনের নিমিত্ত চেক প্রস্তুত, প্রয়োজনীয় দাপ্তরিক কার্যক্রম সম্পাদন ও সদস্যদের যাবতীয় স্বাক্ষর গ্রহণ এবং চূড়ান্তভাবে ঋণের অর্থ সদস্যদের মাঝে বিতরণ বেশ সময় সাপেক্ষ প্রক্রিয়া। এতে ঋণ গ্রহণ করতে আসা সদস্যদের সারাদিন অফিসে অবস্থান করতে হয়, যা তাদের জন্য ব্যয়বহল, কষ্টসাধ্য ও অস্বস্তিকর হয়ে থাকে। এ সেবা সহজীকরণের জন্য সুফলভোগী সদস্যদের ঋণের অর্থ সরাসরি ব্যাংক হিসাবের মাধ্যমে স্থানান্তর করা আবশ্যিক। স্থানীয় পর্যায়ে তফসিলি ব্যাংকে ১০ টাকার হিসাব খুলে সদস্যদের স্ব স্ব ব্যাংক হিসাবে ঋণের অর্থ স্থানান্তর করা গেলে একদিকে কাজের স্বচ্ছতা ও জবাবদিহিতা নিশ্চিত হবে, পাশাপাশি হতদরিদ্র প্রান্তিক জনগোষ্ঠীর অর্থ ও সময়ের সাশ্রয়পূর্বক তাদেরকে ব্যাংকিং সেবায় অন্তর্ভুক্ত করা সম্ভব হবে।

০২। বাংলাদেশ ব্যাংক কর্তৃক জারিকৃত 'কৃষি ও পল্লী ঋণ নীতিমালা ও কর্মসূচি'-তে পল্লী ঋণ গ্রহীতা সদস্যগণ ১০ টাকার ব্যাংক হিসাব সুবিধা পাবেন মর্মে উল্লেখ রয়েছে। উপজেলা পর্যায়ে বিআরডিবি'র অপ্রধান শস্য কর্মসূচির সুফলভোগীদের জন্য এ সুবিধা প্রদান করা হলেও অন্যান্য প্রকল্প/কর্মসূচির সুফলভোগীগণ স্থানীয় ব্যাংকের কর্মকর্তাদের অনীহার কারণে উক্ত ১০ টাকার ব্যাংক হিসাব খোলার সুবিধা থেকে বঞ্চিত হচ্ছে, বিধায় পল্লীর পিছিয়ে পড়া হতদরিদ্র ও প্রান্তিক জনগোষ্ঠীকে ব্যাংকিং সেবার আওতাভুক্ত করা যাচ্ছে না।

০৩। এমতাবস্থায়, বিআরডিবি'র আওতায় পরিচালিত সকল প্রকল্প/কর্মসূচির সুফলভোগীদের জন্য ১০ টাকার ব্যাংক হিসাব খোলার সুবিধা প্রদানের উদ্দেশ্যে স্থানীয় ব্যাংকগুলোকে প্রয়োজনীয় নির্দেশনা প্রদানের জন্য বিশেষভাবে অনুরোধ করা হলো।


আঃ গাফফার খান
মহাপরিচালক (শ্রেণি-১)

নির্বাহী পরিচালক, কৃষি ঋণ বিভাগ
বাংলাদেশ ব্যাংক প্রধান কার্যালয়, ঢাকা

অনুলিপি (সদয় জ্ঞাতার্থে):

- ১। সচিব, পল্লী উন্নয়ন ও সমবায় বিভাগ, বাংলাদেশ সচিবালয়, ঢাকা।
- ২। সচিব, আর্থিক প্রতিষ্ঠান বিভাগ, বাংলাদেশ সচিবালয়, ঢাকা।